



00063

方簡肅公文集敘

士君子表見於二代之下豪傑壯
烈之氣足以奠國紀所奸萌歸然
如靈光砥柱其無他一試焉爾矣
在漢如汲長孺在唐如韓昌黎在
宋如田表聖則元城胡澹菴諸

而滿著曠數百千如

之上去文詞節槩猶磅礴

穹壤間不隨世銷亡歇滅彼豈聲
音笑貌云乎哉噫茲其遠者耳曷
觀乎近乃今於簡肅方松厓公微
之矣公偉人也少負夙望至出處
則付之無心而猶毅不可奪蓋公
自遭遇之時周旋於嶺海積勞於

兵端鞅掌於討平經畧之務其大者權黠之勢貂璫之焰一舉而熄之氣完而力壯諸凡毀譽得喪無足以動其中後雖屢進屢退屢薦屢不就事君之日少報母之日長士大夫不能脫公於瀟灑

國家不能進公於榮寵故年逾六袞

位躋六卿而平生忠孝皜如非秉至誠以運之歟始弘德迄嘉靖初見之章疏及簡什諸篇紆徐懇迫類求益於人心世教其語同儕訂學鑿鑿實際尤春容自得蓋自考亭以來有原本流委如此不肖從服官審知先達如莆陽司寇彭公

卓矣公之節行匹之後二十年馳
躡於三山武夷之間得公里評籍
甚再後十年乃獲弛檐而公之
孫君謙善承先志來司予臬予藩
數十年嚮往幸爾拜交因益慨慕
先朝氣化老成所鍾信不偶然也已
公藏遺稿若干卷大叅君梓之以
傳小子不佞乃揭公先後盛大而
不朽者僭爲論略俾考文者遡其
本抑以爲世勵云

隆慶庚午春吉

賜進士第資政大夫奉

勅叅贊機務南京兵部尚書前浙江
提督學校副使翰林院庶吉士豫

章張鏊頓首拜書

方簡肅公文集

前序

四





方簡肅公文集後序

大叅方瞻厓君自豫章以書抵

茂曰先大父尚書簡肅公遺集

散失已久茲欲鋟梓以傳子其

為我校編之茂自髫年竊聞鄉

先生長者誦說尚書風節不置

迺今得盡讀其書於景行愫衷

方簡肅公文集

後序

有大愜焉遂不辭僭陋為之訂

其訛謬次其甲乙合奏疏序記

銘贊書啓諸作釐為十卷而以

姚司馬東泉公神道碑附焉庶

讀者得以尚論其世云既報命

于君復從而敘之曰乾坤正氣

浩然長存鍾于人則為道德為



節義為文章上下數千載惟孟
氏獨得其全故能辟立萬仞用
以紹聖緒陳王道七篇之言炳
朗鏗砉孰得而尚焉今學士大
夫操觚握管斧藻其詞類人人
能矣然多蠟外而竅中文肆而
質難於所謂浩然者索然餒也

一臨利害即選奕蓄縮甘自墮
其平生雖有雕龍之辨肇悅之
飾亦奚取焉今讀簡肅公集迺
知公誦法孟氏而善養吾浩然
之氣云當

武廟時群奸煽簸前有劉瑾後有
錢寧竊太阿之柄以禍福諸搢

紳勢且薰灼而瀾潰矣迺公獨奮孤騫之節前與瑾抗後與寧角雖顛踣廢黜而不悔及

世宗中興簡命再臨公又以太夫人在堂屢乞終養比刑書命下而公已厭世乘雲矣孤忠至孝終始弗渝此豈化化恣恣富貴

方簡肅公文集

後序

三

文五

死生所能怵而動哉今其疏具載此編試取而讀之猶使人凜然有生氣其它論撰大抵多正直雅醇無媿媿骯骯之態如贈鄭都憲黃大理陳給諫諸篇則出處之龜鑑也如覺軒猶齋諸記則正學之標準也如厓門吊

古世忠小宗祠諸碑則倫紀之
敦敘也至於豫測寧庶人之變
及與王新建伍方伯論討逆事
宜則又老成謀國之石畫社猷
也使公蚤登樞筦出其浩然者
以鎮衛

社稷保乂烝黎必有金石彞鼎之

方簡肅公文集

後序

四

勳獨其文足傳云乎哉

國朝文臣謚簡肅者惟公與安福
張公敷華為最著安福立朝較
久得君較隆而其屢觸權貴見
甚逆瑾則與公相伯仲節惠之
稱亦兩不忤矣昔王通氏論述
先訓至勤九載然其言多夸詡

若公斯集皆信而有徵大衆君
作求世德巍然負鼎鉉之望他
日濟美象賢於斯集且重有光
余不佞願竊覩其成云

隆慶庚午端月穀旦

賜進士第嘉議大夫河南按察司

按察使前戶科都給事中年家

後學鄭茂頓首拜撰

方簡肅公文集

後序

五

故



余不佞願竊覩其成云
隆慶庚午端月穀旦
賜進士第嘉議大夫河南按察司
按察使前戶科都給事中年家
後學鄭茂頓首拜撰

方簡肅公文集目錄

卷之一

奏疏

劾朱寧疏

浙藩乞休疏

乞休第二疏

乞休第三疏

起用巡撫乞終養疏

再乞終養疏

方簡肅公文集

目錄

一

姜

繳勅疏

辭月米疏

謝月米疏

再起巡撫乞休疏

再乞休疏

卷之二

序

贈都憲鄭山齋公巡撫江西序

贈大理丞黃後峰先生北上序



贈陳敦賢給諫膺薦再起序
贈郡丞林以賢之官安慶序
贈考功劉紹功北上序

贈郡守馮檢齋公入覲序
贈節推傅公擢倅常州序

送黃公悅之任合州學正序

送徐元嘉掌教安仁序

送林宗盛分教宿松序

送鄭矩軒之任興山序

卷之三

序

贈郡貳朱侯秩滿九載序

贈郡守張白齋公致仕序

贈邑侯雷君獻績序

贈郡博蔡我齋致仕序

贈朱司教秩滿序

贈王司教致仕序

壽陳隱君七十序

壽林西坡七十序

壽章太安人詩序

卷之四

序

海珠別意圖序

彤庭奏最詩序

三膺旌獎序

周侯述職詩

漳南平寇序

方簡齋公文集

目錄

覺軒序

幸菴餘稿序

同年嘉會圖序

杏林春意後序

卷之五

記

厓門吊古記

新建肇慶兵備道記

重修平海衛廟學記

重修蘆浦斗門記

怡亭記

狷齋記

小宗祠碑記

世忠祠碑陰記

邑侯雷覺軒去思碑記

卷之六

誌銘

明正奉大夫正治卿廣西左布政使霍

方簡齋公文集

目錄

四

竹周公墓誌銘

勅封承德郎吏部考功司主事東樓劉

先生墓誌銘

明威將軍興化衛指揮僉事洪公父子

姑婦合厝墓誌銘

袁州府通判林公墓誌銘

宣德郎忻州同知黃君墓誌銘

卷之七

祭文題跋

祭陳孝廉如賓文

祭朱木菴文

祭伯舅陳述孝先生文

祭林寒厓文

題黃子堯知止詩卷

題毛武勇公忠義錄

題吳廷惠贈言卷

跋贈別陳石峰卷

跋周來軒送別圖詩卷

方簡齋公文集

目錄

五

跋木軒致仕卷

跋敬齋醫法

跋鄭氏家訓

跋表章述孝遺文卷

跋吳氏慶壽圖序

跋萬雲書庄卷

題一愚卷

卷之八

說辭贊解

吳世基字說

族子觀養字說

顧從大字說

族子彥蓋說

李生字辭

勉齋先生贊

介菴叔贊

四雨先生贊

憂齋郡丞贊有序

方簡齋公文集

目錄

六

陳友蒲贊

鄭順菴先生贊

陳見思贊

石筠解

礫谷解

卷之九

書啓

寄正郎黃易菴年兄

奉督府劉東山公二

奉師相費湖東公三

與方伯席原山公二

復林寒谷侍御

與伍孚齋公二

寄都憲王陽明公二

奉師相梁厚菴公

奉冢宰喬白岩公二

奉司徒孫九峰公

奉司馬彭幸菴公二

方簡肅公文集

目錄

與同鄉諸臺諫

卷之十

書啓

奉師相楊邃菴公二

復都憲黃鐵橋公二

與鄭啓範侍御

與黃小江憲副

與甯侍御

與唐西洲督學

與宋叅伯汪憲伯二先生

與都憲張時峻公

寄都憲聶鳳山公

與魏子才督學公

寄司空吳東湖公

寄侍郎何燕泉公

與湯新之廷尉

與邵端峰督學

與蔡霞山大叅

與朱三峰郡守

與陳立夫進士

與朱白浦侍御

與雷覺軒侍御

與周侍御

與徐宣之方伯公

奉司馬林泉山公

與學士豐五溪公

附錄

神道碑銘一篇

方簡肅公文集

目錄

九



方簡肅公文集目錄終

方簡肅公文集卷之一

嘉議大夫河南按察司按察使後學鄭茂校編

通奉大夫山東布政使孫男攸績錄梓

奏疏

劾朱寧疏

浙江等處承宣布政使司左布政使臣方

良永謹

奏為還民財以消民怨事臣待罪承宣自慚

無補偶有所激不忍緘默固知事涉權貴

方簡肅公文集

卷一

言出禍隨然竊計脂膏之罪重於強聒而

一身之患害輕於萬姓之荼毒故敢昧死

為

陛下言之

陛下亦知民者邦之本財者民之心乎又知

國家財賦盡出東南浙居其半乎故愛

國必愛民愛民必惜財而浙之民之財尤當

愛以惜也

陛下聰明天縱豈不知此若曰我有大臣可付

托也我有親臣可倚任也我罔敢知固有知之者矣臣則以為

陛下有大臣而不能有用親臣而不肯為用雖謂之無臣可也

陛下環視左右最親且信與國同休戚者誰耶臣以為莫如朱寧寧也出自賤氓甘為民養

陛下一旦假以義子之寵躋諸公侯之列勢傾中外富擬封君其親之也至矣為寧者粉身碎骨以圖報稱尚不能萬分之一乃忍攫取

陛下之民財戕賊

陛下之邦本以自速其不臣之罪無是理也無而有之其愚耶病狂耶不然欺也

陛下俯聽臣言即甚愛寧必大怒也臣於正德

九年十月初十日到任即聞朱寧鬻鈔害

人心甚惡之無何舊鎮守太監劉璟語臣

及三司曰寧堂鈔價意欲倍增何如臣茫

無以對細詢之先是分發十一府每鈔一塊易銀貳兩傳報朱寧怪其太輕故欲增至四兩次日復語如初臣堅持不可璟離席立誓曰我受

朝廷厚恩

朝廷爲我立感惠祠我豈不知此事貽害

朝廷百姓哉顧勢不得不爲耳我卽不爲他人必爲百姓依然受害而我之禍立至矣言與泪俱至於邑不能自禁又次日復語

如初竟增至參兩計鈔貳萬壹千玖百玖拾陸塊該銀參萬伍千玖百捌拾捌兩臣退而思之有官守者不得其職則去心雖憤激力不能揅亦失職也乃自劾求去遣此尸素繼聞新有禁例勢豪鬻鈔害人者必罪臣竊喜此事徐當中止故棲棲不去以待其變今旣數月矣例格不行而有司徵價急於是火或緣爲奸倍而又倍椎膚

剝髓民不堪命

天門萬里相與赴愬於監司監司欲言而未果
發民亦吞聲而不敢言輸價之吏絡繹於
途矣新鎮守太監王堂知民怨且作亦感
然不安乃出異辭謂寧堂奸人初不知鬻
鈔之難如許苟豫知之必不爲也今業已
爲之可以已完貳萬肆千兩截解少慰其
意前頭太監旣爲之歛我不得不爲之解
二臣所稱寧堂指朱寧也其勢焰之薰灼
可知矣臣反覆思之方今四方群盜甫息
瘡痍未瘳邊塞多虞饋餉或不時繼浙東
西諸郡自冬徂春雨雹爲災蠶麥不利待
哺之民嗷嗷千里此何時也大司徒不能
爲

陛下畫萬年長策以去京師之冗食乃遣官四
出坐索數十年之逋稅亦總功之察也然
豈得已哉冗食不可去而奇禍隨之矣臣
故曰

陛下有大臣而不能此猶可諉也劉璟王堂

皆

陛下腹心之臣其在浙也皆有愛民之譽宜其却此無名橫斂於談笑間直易易耳而二臣者徒能涕泣感額付之無可柰何一則曰不得不為一則曰不得不解是亦豈得已哉橫斂不可却而隱禍中之矣事勢若此苟猶隱忍不為

陛下言則已斂之財必入朱寧之手而民心傷

矣心傷則本傷本傷則枝幹凋瘁根柢蹶

拔

陛下其能晏然於上乎是孰為孰使之哉

陛下之義子亦

陛下之親臣也

陛下反思及此能不寒心臣獨怪朱寧之忍於

負

陛下也今人有一飯之恩必報

陛下之待朱寧豈一飯比哉不圖報則亦已矣

反取

陛下之邦本而動搖之略不顧惜此臣之所未喻也故跡其所爲在子爲不孝在臣爲不忠在法所必誅而無赦者也臣所謂

陛下有親臣而不爲用者非耶然臣惟朱寧席寵以來

陛下之錫予無筭四方之饋遺不貲篋笥之中必不少此又不病狂喪心何忍爲負

恩之賊犯此必誅之刑意必真愚而爲人所使未可知也伏乞

方簡肅公文集

卷三

六

陛下割偏私之愛奮獨斷之勇

廷詰朱寧以嚮鈔害民之故如果愚不解事誤聽人言而請罪祈恩之不暇則削奪官爵薄示懲戒根究主使之人坐以重罪可也如其飾非護短不肯服辜是敢於欺罔也是不有

陛下也

陛下又何取而必欲子之乎

下之詔獄明正典刑以昭示天下爲臣子悖逆

之戒可也斯二者惟
陛下明察而果行之仍乞

急勅都察院行巡按浙江監察御史會同鎮
守三司等官將已斂鈔價盡給還民未斂
之數隨卽停止并查究奸吏影射多科侵
尅之弊悉寘諸法則民怨未甚猶可慰解
邦本未搖猶可培植

陛下誠如是臣死且甘心其他利害固不遑恤
也

方簡肅公文集

卷一

七

陛下如以臣言爲不然置之不問日復一日尾
大不掉將必蠶食天下肆無厭之求出於
尋常所不料者

陛下於是時也悔之晚矣臣不勝激切痛憤之
至爲此具本專差承差汪奎齋抱謹具奏
聞伏候

勅旨

浙藩乞休疏

浙江等處承宣布政使司左布政使臣方

良永謹

奏爲乞

恩休致事臣見年伍拾肆歲福建興化府莆田縣人由弘治叁年進士授刑部廣東司主事員外郎陞廣東按察司僉事丁父憂起復爲因不謁劉瑾捏寫

旨意著臣致仕正德伍年瑾誅蒙起湖廣按察司副使陞廣西按察使山東右布政使轉前職竊念臣本寒衣蒙

方簡肅公文集

卷二

八

憲宗純皇帝作養

孝宗敬皇帝登厠歷事

陛下以有今日鞠躬盡瘁死而後已臣職分所宜豈可言去緣臣有不可不去者三臣母陳氏年踰七十景逼桑榆臣心思毋心逐雲飛毋心思臣度日如歲此臣之情事迫切宜去一也臣賦質薄弱近者跋涉兩廣侵冒風濕力疾上官實欠精健若不速歸必爲客鬼此臣之垂蹇宜去二也臣素無

學識小就攸宜乃今處此重地秋毫無補
貽害地方若不速歸恐妨賢路此臣之匪
才宜去三也負三宜去而不去是之謂不
知耻以不知耻之人而竊

陛下之美官清議不容也伏乞

察臣初心許臣休致使臣得伸烏鳥之情遂首
丘之願免瘵曠之誥

陛下之賜踰九鼎矣臣雖歸老猶能歌咏

聖德以答

方聞肅公文集

卷一

九

殊恩於不忘也臣無任激切懇祈之至為此具
本專差承差某齋抱謹具奏

聞伏候

勅旨

按公自論奏朱寧之後卽上疏乞休銓
曹以公歷官中外素負節操而是年朝
覲又首膺旌典不允所請後公又連上二
疏乃得奉

旨致仕今此其第一疏也後二疏已散失

但存其略謹附錄于左以見公進退出處之詳云後學鄭茂識

乞休第二疏

其略曰臣蒙

陛下付以甸宣重任畀以兩浙重地中夜以思謂左布政使之職上溥

德意下沛蒸黎其責也今臣備員於浙幾一年矣甫寅而出盡酉而入不過錢穀簿書之煩非能為

陛下宣布膏澤以蘇兩浙之困尸曠素官臣實耻之高位厚祿豈宜戀戀久居臣近為地方殫擊權貴政未知

陛下何以處臣官不足惜倘

從末減先賜譴歸臣之心所至願也伏惟

陛下垂察焉

乞休第三疏

其略曰臣誤荷

洪恩

寵已云至更一轉移則上有褒封可耀其前下
有蔭叙可庇其後寵且未涯是亦何負於
臣而臣乃汲汲求去若厭此寵榮然者豈
性與人殊哉誠有可言非敢立異臣之月
俸柴薪俱已住支印信已交叅政周曾署
掌自甘棄置不敢虛飾惟
陛下垂憐俯遂放歸田里不勝願幸之至

起用巡撫乞終養疏

致仕浙江布政使司左布政使臣方良永

方簡肅公文集

卷一

上

謹

奏為乞

恩終養事臣原籍福建興化府莆田縣人見年
六十一歲由弘治三年進士授刑部廣東
清吏司主事陞員外郎廣東按察司僉事
丁父憂起復為因不謁劉瑾矯

旨著致仕正德五年八月瑾以逆誅蒙起臣湖
廣按察司副使歷廣西按察使山東右布
政使轉前職又因劾奏朱寧鬻鈔殃民尋

乞致仕家居六年正德十六年恭逢

陛下入正大統寧以逆誅蒙

聽言官交章論薦起臣都察院右副都御史提督撫治鄖陽等處地方

勅諭至臣郊迎庭拜望

闕謝

恩祗受訖望輕

恩重感極涕零竊念臣入仕三十二年實歷一

十三年備嘗苦辛甘投閑散不謂遲暮之

方簡肅公文集

卷一

七

年親際

聖明之會凡在臣工孰不忻幸勉圖自見臣有此遭逢正宜罄竭平生上答知遇朝拜

命而夕啓行臣之分臣之心也緣臣實有大不得已者臣母陳氏年已八十精力衰耗臥

病踰年足艱步履動須扶掖使臣在官得

聞母病猶思歸養况在母側親見病重豈忍暫離進止憂惶莫知攸措展轉圖惟殆

廢寢食臣惟忠孝一道君親一體時乎竭

力於家與夫委身於

國惟其所當罔敢適莫如臣今日悃悞之懷
則實有大不得已者

陛下寤寐求賢內外之臣忠純體國賢於臣數
等者何限舉以代臣則雖無臣亦不爲少
而臣得盡心侍養以終母年苟於風化少
有裨助亦臣報答之萬分之一也臣於大義
若兩難臣之私心實獨苦伏望

陛下俯垂憐憫

方簡肅公文集

卷二

三

追寢成命勿以例拘容臣以原官終養別舉賢
能以充任使非獨遂微臣移忠之願亦大

彰

陛下勸孝之仁臣幸甚臣母幸甚臣不勝懇切
祈憐之至緣係乞恩終養事理未敢擅便
謹具本令義男方錫齋捧投進伏候

勅旨

再乞終養疏

致仕浙江等處承宣布政使司左布政使

臣方良未謹

奏爲懇乞

天恩容令終養事臣於前疏已辭免今職祈終

母養然臣自受

命以來日夜憂懼雖有忱辭猶慮阻格若候吏
部查例上請不容陳乞移文到臣然後再
疏則萬里往還留連歲月久虛地方重大
之任愈增微臣違慢之愆是以冒昧再疏
令原差義男竝齋連

方簡肅公文集

卷一

古

上臣切念今日之事揆諸情義兩不可已臣母
年已八旬身嬰痼疾桑榆之景理不可長
臣雖有弟有子有姪可以代養然臣身爲
長子分義自重使臣仰體

眷命勉強卽程或恐旬月之違遽成幽明之隔
則臣之忍心不孝何所於逃大節旣虧平
天恩生盡喪將使宣和導利之時而有不得其
奏所之物與賢彰德之具猥及無足爲用之
人是臣之出旣無能全事母之情又無以

完事

君之節

陛下何取焉此臣之所以甘冒斧鑕不辭煩黷
甚非得已也伏乞

陛下察臣之言哀憐其志普曲成之大德持獨
斷之乾剛特出

俞旨俯遂臣請臣與母幸甚若

陛下必欲臣備使令不終棄之則臣年雖及者
力未衰憊正如李密所謂事

方簡肅公文集

卷

五

陛下之日長也臣於此時必能勦策驚鈍不惜
馳驅以副竒遇以報

鴻恩亦如諸葛孔明所謂鞠躬盡瘁死而後已
此臣犬馬惻怛由哀之至情也豈敢固飾
虛讓以上欺

陛下哉臣臨疏不勝祈憐之至緣係懇乞
天恩容令終養事理未敢擅便謹具本仍授義
男方錫齋進伏候

勅旨

繳勅疏

侍養都察院右副都御史臣方良永謹

奏為齋繳

勅諭事項蒙起用擢臣前職提督撫治鄖陽等處地方時因母老連具二本奏乞終養該吏部題奉

欽依方良永所奏情詞迫切暫令在家侍養俟母病痊之日起用又該兵部題奉

聖旨方良永待有相應員缺用他欽此欽遵移

方簡肅公文集

卷二

六

咨到臣不謂母子溫存重荷

乾坤覆庇喜溢尋常報乏絲髮為照前項地方

既弗親臨所有原奉

勅書應合進

繳慰私情於萬里已覃錫類之仁

隆大孝於三宮益篤惟親之教臣無任戴德欣

躍之至謹具本竝原

勅齋進以

聞

辭月米疏

終養都察院右副都御史臣方良永謹
奏為辭免

恩賜月米事本年五月十六日福建都司舍人
寇定順齎到吏部咨文一道為獎孤忠以
勵臣節事該巡撫都御史姚鏌奏吏部覆
題臣居官素謹家無贏餘合照月給食米
事例量示優崇仍通行撫按所屬地方但
有居官居鄉節行可稱如臣之類者一體

優禮等因節奉

聖旨方良永既居官素謹着有司月給米三石
養贍欽此欽遵移咨到臣事出異常恩踰
素望捫心內愧實不自安臣惟月米者
朝廷所以惠養老臣非

累朝壽俊著有勲勞特奉

優詔者不得濫與臣歷塵仕路三十餘年未效
涓埃之報顧惟愚戆不能狗時再忤權奸

奉身以退

陛下龍飛之初猥蒙起用臣母老且病不忍
輒離懇乞

聖慈容臣終養而又冒援

恩詔得與見任官一體封贈榮及三世

陛下所以施於臣與臣所以受於

陛下者皆云過矣今復有茲月米之給尤出望

外將以臣母老不得祿養與則臣家雖貧

猶能自給暮年甘旨供奉未缺稽之舊典

侍郎潘禮御史陳茂烈嘗有此給緣臣所

方簡肅公文集

卷一

處稍異二臣以此懷慚不敢祇受伏乞

追寢

恩命將給臣養贍月米移賚善人則錫予不濫

足以示勸而臣亦得免冒昧之戒矣爲此

具本專差義男方彙齋進謹具奏

聞伏候

勅旨

謝月米疏

終養都察院右副都御史方良永謹

奏為謝

賜月米事臣近具疏辭免月米蒙

旨已有成命不准辭者臣叨冒

殊恩寔慚非分感承

德意惟切激中茲蓋伏遇

皇帝陛下

聖由天縱

道懋皇極

治每先於率孝祿則重於勸廉如臣迂庸亦荷

方簡肅公文集

卷一

一九

優異顧為養方榮而母身不待徒感傷於風木

重顏汗於素餐撫枕自嗟指天為証誓秉

有終之操及茲未死之年崇雅黜浮冀有

成於大化補山益海庶少竭於涓埃臣下

情無任激切感荷之至謹具本稱

謝以

聞

再起巡撫乞休疏

起用都察院右副都御史臣方良永謹

奏為乞

恩辭免重任事正德十六年恭逢

陛下御極蒙起臣前職撫治鄖陽時以母老陳

情蒙

聖恩月給米三石養贍親終之日有司具奏起
用母沒之後臣已懇辭月米服闋之後臣
亦自甘棄置不謂

聖明重此甄錄本年七月二十八日欽奉

勅總理糧儲兼巡撫應天等處地方竊念臣學

方簡肅公文集

卷一

三

本愚陋性惟朴忠山林之日雖多廊廟之
憂恒切况十載寸心曾無少盡而一家三
世洵受

洪恩委身以報此惟其時是以聞

命遂行炎蒸不避已於八月初四日隨帶家人

二名兼程就道然臣志雖勤而福分素薄

年未耄而病骨漸衰八月二十四日行至

浙江衢州府痰熱交作晝夜弗寧荏苒自

擁艱於前進夫

畿輔重地也糧儲大計也保釐之寄要在得人
如臣羸劣何以堪此記曰量而後入臣豈
不自知哉不得已冒瀆

宸聽乞

賜垂察許臣休致是終始成就臣使得以退為
報矣臣不勝願幸之至為此專差承差丁
表民齋抱謹具奏

聞伏候

勅旨

方簡肅公文集

卷一

五

再乞休疏

起用都察院右副都御史臣方良永謹

奏為懇乞

天恩辭免重任容令休致事臣自正德十年以

布政使致仕遭際

陛下御極中間屢沐

殊恩非只一事亦非只及臣一身邇膺

新命再召誓竭報稱顧犬馬微忱雖曰恒切而

蒲柳弱質望秋先零臣於八月二十四日

到衢州府地方距臣發蒲之期甫二十日
耳痰火上炎怔忡內作恐妨重任上疏乞
休而志念未灰猶欲爲

陛下剷除奸弊少蘇東南凋瘵之民仰答

洪造然後已舟次厭喧移入古剝病臥旬餘痰
火日盛飲食減而肌削精神耗而心驚雖
得該府給藥遣醫日來診視臣自度病勢
非藥力能降孤身客死無益不得已再瀝

誠悃冒犯

天威伏乞

察臣初心憫臣末路

特發俞旨許臣休致亟選才識老成委以保釐
重寄貴臣悞事之愆遂臣首丘之願臣一
面與疾南還就醫以聽進止家鄉在望庶
其有瘳臣荷

陛下覆載生成之恩至此卽隕首捐軀何以爲
報哉臣不勝懃懃祈憐之至爲此具本專
差承差柳集齋抱謹具奏

聞伏候
文集卷之二

勅旨

方簡肅公文集

卷一

三



方簡肅公文集

方簡肅公文集卷之一 終

方簡肅公文集卷之二

序

贈都憲鄭山齋公巡撫江西序

士之仕也有其具而已乎有其具無其時孔孟且需而弗進也剥盡而復否極而泰上有聖明下列壽俊內無疵政而外絕釁端夫是之謂時然際其會者蓋寡吾友山齋鄭公之際亦竒哉當左轄江西時逆濠肆虐擊斷無諱轉移大柄以死生禍福有位人其應如響公從容其間屹不爲變而媒孽之禍作以文致于罪卒落其官而怒猶未解也林見素輟巡視費湖東辭相位去亦已矣猶百計偵伺胡求清先幾而遁卒致

詔獄遼左之戍性命幾不保公旣落官入猶公

危雖公亦自危也迨反狀旣露逆兵猝起皖城扼其北陽明之旅已鼓行而西濠進退無據駢首就擒當是時已有訟公之寃卽其家而起之者



飛龍利見

大命維新反弊政而還之舊以與天下更始顧
茲江西甫定之邦非老成宿望以拊循鎮讐
之不可而公巡撫之

命下矣公之遭人固公竒公亦自以爲竒也故
再起非難而時之遭際爲難時猶濠時也公
固無此起濠死而中外之奸尚在公亦無此
拜拜亦無能久於其位今則無是矣簡修進
良繩憚摧暴以弘大新政保釐西人如書所

方簡肅公文集

卷二

二

謂不剛不柔詩所謂不吐不茹公固有以自
副也抑善作者不必善成得於憂患者恒失
之安樂易曰樂則行之確乎其不可拔公孝
友貞諒廉而寡與論事侃侃不詭以徇文章
刊落葩藻根據理要無諛詞旣得之涵養之
素而履危歷險衡慮困心八年之久以日見
其至以晚其成於所謂不拔云者非獨公之
自信人亦信之無疑也由是而進之臺之省
以繫天下之重又何往而不可乎予不佞與

公素莫逆既慶公之遭且知公固不負此時
也因書之以為行贈

贈大理丞黃後峰先生北上序

聖天子既登宸極首徵耆舊列于大僚莆以六
卿起則有見素林公又亟錄先後忠諫罹害
若干人復官晋秩卹亡有差莆以九卿起則
有後峰諸君子後峰得禍最奇故酬之也特
異吁其盛矣抑獨莆盛哉

國家氣運於斯為盛莆有人以當之適遭其會

耳雖然莆亦可畏也予耳目所及彭惠安公
之響方震而見素嗣之見素方大震而後峰
嗣之誰謂後峰發軔一䟽其赫然震耀乃與
二公均耶予嘗三復其䟽矣首之以崇聖學
繼之以通言路正名號戒遊幸去小人終之
以建儲貳凡六事事為之防言無所隱指斥
權奸如叱奴隸開陳利害不諱死亡讀之使
人毛竦骨寒悲憤生而痛哭繼之也竊意憫
時憂世之䟽言之剴直痛切氣之勁奮激烈

心之至誠惻怛如後峰者不兩見也後峰自成進士時目擊時事每憂懣不食入官以來日見奸雄勢盛卽忿填胸臆蚤夜弗寧嘗曰此輩何術輒能簞弄熒惑如此其甚耶又曰吾不掃除此輩甘與共立於朝非夫也其至誠惻怛蓄之也久故其言直氣勁自與心謀如弩發機豈容但已疏與蘭溪陸子汝亨同上陸亦心服之弗贊一辭昔者箕子比干皆以諫顯孔子稱之於異代不曰忠而曰仁容非以二子之自靖者同一至誠惻怛爲仁乎予因是而知至誠惻怛固人臣諫君之本也本之不立始而爲之終必悔外而疆之內必畏畏與悔諫之辱也世不有以忠鯁入以回佞出者乎名之不可虛竊也如是夫後峰性醇而行潔識遠而學優志之所嚮直以古人自期而自視恒退然不露圭角爲文厭雕刻而雋永有餘味其足以追步二公非直一疏之鏗錡也勛名事業在他日者駸駸乎其宏

以大自茲始矣大理檄至後峰謀諸素翁翁
曰非常知遇不可不答也山齋曰平生抱負
不可久鬱弗彰也予亦曰時哉弗可失也子
行矣毋讓夫和聲鳴盛言非前日之言任重
致遠固此氣也昌其言無餒其氣以自副其
初心所至無前又烏知不有聞風而起踵吾
之後者乎陸子之鄉有楓山章先生者位尊
望重而齒高孔子所謂仁人也維舟往謁必
未語心孚而重有以相告也

贈陳敦賢給諫膺薦再起序

士君子立身之大節出與處也匪出處之爲
大不輕於出與處之爲大也一偏一曲之士
平時不灼見真知臨事輒依違遷就而乾沒
不已果於忘世者又徃徃率意而任情其於
出處且不知爲何物無惑乎立乎其大者寥
寥於天下也頃者奸宦怙寵竊弄威權欲逞
彌天之惡首籜士夫之口於是肆爲殘刻賊
害忠良流毒天下中外之臣殞身於桎梏竄

成榜笞者非可一二數其幸存者亦困踣顛
頓朝不謀夕當是時也出乎處乎不待智者
能辨之矣然居其職嬰其禍則誼不可處必
蚤見必豫待必不徘徊顧戀而視富貴如浮
雲夫然後可處卽處於大節也無負故夫痛
憤激烈出危言以觸禍機至亡身喪家有不
暇恤者有見於不可處之誼也是與阿媚悞
巽盡棄平生曾不少愧者雖不可同年語要
之見幾而作又或一道也有臣癯然體不勝

衣而燭事變於未形棄美官而不惜雖使壯
士莫敢齊驅吾耳目所及敦賢一人而已間
有能竝之者亦出一時之感發未有炳於幾
先而豫自裁決者也是果何道而得此哉平
生的乎有定見也臨事確乎有定力也不然
出樊籠而遊寥廓夫豈尋常尺寸者所能辦
哉及乎奸宦伏誅正人嚮用再起之命簡在
宸衷促行之檄繼出銓部君乃幡然改圖不以

終老林谷自甘而以乘時建立為急不以前

之處爲足以自固而以今之出爲得其本心
是又暗合於古人憂違樂行之意信非偏曲
之士所可儼也君之車馬有行色莆士夫家
食者咸重君之出於是太學生林以正爲請
於大叅陳君待徵圖其意通守林公而下若
千人詠其實而猥以序屬予予亦以迂踈觸
諱幾蹈虎口而後處者視君之旣明且哲政
爾有愧予何敢序君哉雖然予於君同領鄉
薦有廿餘年之雅茲又濫附薦書而起卽不

辱以正之請亦宜有言爲君贈况請之勤乎
君今又一出矣履廢黜之艱者多懷顧忌幸
際會之易者或忘報稱君思前日所以廢我
者爲何今日所以起我者爲何其泛然耶固
不足爲重輕如其以忠鯁廢而復以忠鯁起
者君可不圖所以報稱而忍於顧忌以自臭
厥載耶夫保晚節之難與成大名均也君而
徒處猶無責也徒出焉人且議其後矣予嗣
今將卽君之始而要君之終卽君之已然而

究君之未然君其無以自負以負予爲也此固諸士夫之所望也君始爲給諫多所建白出其餘力工詩文善畫有遠致茲人人能道之予不復贅

贈郡丞林以賢之官安慶序

林石渠子以賢初授郡丞也得江西之瑞有治績績又最於治盜未幾以憂去服闋改丞安慶安慶於古爲皖爲舒猶荒服於今爲畿內則大郡也以畀以賢俾佐守以理人與地

無兼得耶以賢取道歸掃松楸旣來別予請所以爲安慶予應之曰驟試子以未嘗試也固優輕車熟路於郡丞也何有然不敢不以告也逆瑾擅命漁獵郡邑貪黠吏盜府庫以媚之不足又因以漁獵其民網罟所施鷹犬所至富商鉅室無遺者瑾悅而已之囊亦溢則揚揚焉坐待徙秩誰復爲世道計加以兵荒荐至官廩無終歲之儲數年來銖蓄寸累不能復其舊之什一財之匱未有甚於此

時者也爲政者急所先不此之務而簿領之
役役卽使精明炫赫亦無裨於緩急况本之
不端則所謂銖蓄寸累者入私室耳爲身謀
耳民且不信民之不信以在民上吾未見其
能丞也以賢避席曰祿也不敏向嘗領是教
以治瑞而瑞治安慶當江淮之衝非瑞比去
留都不能千里固襟喉也萬一盜起倉卒南
北受敵勢必棘恐未可以瑞治治願有加也
曰地有僻要勢有難易治之道一也兵不足

募可足士不勇信賞可勇是果可以口舌文
告爲哉抑非獨藏富於官安慶緒之軍圍睢
陽也使城中公私皆有儲積必不至以茶紙
鼠雀代食愛妾可生城可恃以無恐然觀巡
遠之捐所愛如所憎而民亦信之弗去是豈
瑣尾者能辦哉城守具備爲河北二十四郡
之光顏平原可法也夫以子之才當子之年
又值此晏然無事之時其能使安慶果安且
慶也必矣無已安慶自有故事亦存乎其人

耳以賢再拜而去翼日鄉縉紳醵餞之于陳
子王光之室使予主其席酒數行王光作而
言曰石渠子事先生爲高弟子茲行得無言
耶予曰諾乃隳楮與語者示王光王光曰此
守責也稽戎籍之盈縮而取盈焉丞之責塞
矣何責石渠之備予曰丞守之貳丞之責詎
止此耶此特當務之急耳於是王光亦然予
言遂書爲贈以賢之官序

贈考功劉紹功北上序

約齋劉紹功甫旣免喪北上予姪重熙爲乞
贈言重姻誼也約齋與林石崖齊名於予輩
行無論後先皆予畏也二君者能爲古文辭
馳騁軒輊不苟雷同尤淬礪行檢尚友古人
石崖峭拔寡合約齋溫潤易親性殊而趨一
也意氣交孚實重予助今約齋行猶奪吾一
臂卽弗爲請予固將張之也約齋初授刑部
主事以才望選入吏部故刑法選法咸精無
寬於有罪亦無寬於有德比奔父喪復以適

連持祖父母喪煢煢在疚者五閱歲人情弗堪獨奉母治塋事又塋所未塋凡七喪旁及姑叔母力不足貸以充人難之五年之內未嘗以衰絰入公門耻干人以私雷孟升侍御治莆時毀淫祠數百區鬻以備賑約齋亦取其二稍有私議不知其爲業師與舅氏增立錐地官價自輸祠歸二貧士人又難之鄉長老父行者視猶父祖行者祖視之敵已以下貧交者情慄不改退自節抑人亦忘其爲吏

部宦家子弟隸僕類怙侈張皇陵轍鄉社輕侮寒畯約齋群從素醇謹衣食於其家者長給薪水少供洒掃候門將命稍縱輒斥之人不知其爲吏部僕夫忠之移於君也自親始治之移於官也自家始約齋事生死兩無負矣有

君如此忍負之乎恂恂乎無傲於鄉之人矣容肆焉以傲官長乎冒嫌疑以恤乏飭臧獲毋怙寵矣有待下無恩馭吏弗嚴乎抑非其至

也寧忍貧弗屑枉已峙砥柱于頽波此大丈
夫之事也克而極之可以塵金玉銖軒冕獨
請謁絕乎哉向也斂其施修之於家今也起
而攄之於

天子之廷晉而岳牧而卿佐又晉而宰執皆此
道也予奚能增益其所未至重熙曰規以輔
之約齋之屬望也此頌也非規也予以約齋
入必復爲吏部嚴吟域之限杜私覲之門吏
部故事也然則石崖之峭拔乎予將進之於

是曰約齋外和內剛此非所慮予惟文之垂
遠必與道俱者也約齋能爲古文辭予惟進
之於道乎治其心養其氣融會乎宇宙古今
推移恒變之妙體驗乎陰陽動靜開闔消息
天之機上達乎天地萬物生生化化之原渾涵
浩博包括無遺操縱弛張惟意所適夫然後
敷道之腴飾道之器駕唐軼漢挽先秦而上
之予又奚能逆料其所至重熙曰是可以副

約齋之望矣

贈郡守馮檢齋公入覲序

明年春正月適維外臣入覲之期吾郡守馮
公行健以興化去京師八千里先數月戒行
則今年七月也或止之曰公至郡七年矣年
勞政望皆當大拜報旬月至矣盍少留弗往
公曰吾慮不及此吾之欲往也意有大焉者
夫人莫不欲覩所未嘗覩以爲此生希濶奇
逢今

皇上入正大統卽位一詔百姓鼓舞咸以爲堯

舜復生延頸跂足恨不咫尺

闕庭以覲太平

天子吾不煩介紹不假左右先容得平步

赤墀仰瞻

龍袞顧不欲往耶正人畢起竒俊滿

朝凝峻表儀巍然太平卿相彷彿乎夔契之再

見欲履其堂階接其丰采聽其言論以自表

見者衆矣弗往無由也更化以來敲朴弛腹

削罷民熙熙然俯仰足於事育而禮教興唐

虞風動時雍之化可擬也吾往而經歷閩浙
淮濟至止京畿目擊盛治宣爲詩歌以形容
太平氣象亦創見也吾於是惟不爭先覩之
爲快何憚一往而坐以待遷乎郡丞李君卿
式等乃製錦爲軸屬予贈言予謂公之意則
然矣又惡知吾

若吾相聞公治郡之良不須其來以行陟明之
典如漢虛丞相位以待黃穎川賜郭荆州以
三公之服者乎故事司府官來朝吏部擇其
治行卓異者奏旌之有大燕之錫寶鏹之頒
而超擢繼之類數十年一舉難之也予濫與
之後已十年矣又惡知吾

若吾相不因公至復舉行之乎秉彝好德無間
賤愚鳳凰芝草世間指而爲瑞公之名滿天
下又烏知所歷所止之地不有輕萬戶侯而
願見公者乎則公茲往也誠所謂希濶竒逢
不容自己者也雖然公在則寮案有所依憑
玆婺有所覆庇訟簡盜息而吏蠹不生愛公

者固欲公之留也公既弗留遂捧檄而北余固知其不上下交慰不止也諸君曰是可以壯公行色故書

贈節推傅公擢倅常州序

是歲正德己卯夏六月擢吾郡推傅君美政通判常州府事報至民皇皇如失所依知不可留也謀立石道左以繫去思莆士大夫相率贈以言此十月部檄至君捧之色若不懌然者松厓子訊之曰時不可為耶曰否大懟

初平聖心感悟更化善治此一機也奚為而不可無亦負有資望而晉秩滯且悵耶曰否升沉遲速命也而半刺端察倅車分乘又得大郡如常亦足矣敢滯與悵尤哉若是奚為其不懌也曰官易地而政未諳民或異俗士夫或異向而心未易孚惴惴焉勛名損於作推時是慰耳松厓子作而解之曰官信易矣而官政未始可易也民俗信異士夫意向未必人人同而善善惡惡之心未始不同也君

嘗再蒞興一蒞杭杭之去常不數百里而近興之去杭不千里而近杭之民與其士夫君既能兼信之而無間於興今何獨疑於常襲君之故以無變于初常之人有不信耶予嘗見君褫身矣冰寒槩苦一介非道義不以取又見君施於政矣峻法弛而惠愛溢察其隱而開其迷必小大不寬乃已又見君之與人矣遇以禮而接以誠事有弗直輒爲理而或干以私則婉而拒之以是依依不忍舍士夫之樂於頌美也興與杭旣爾顧於常有弗爾邪而猶退焉若怯而惴惴焉以爲憂亦過矣君再拜謝曰微公言吾之鬱於中者將無以自慰今釋然矣敢變其平生哉於是邑大夫雷君孟升與三庠文學蔡君希淵輩製帛爲軸來乞序文予詞也拙無他說以張之乃次第所與君語者授之俾書之爲贈行序

送黃公悅之任合州學正序

予濫竽已酉鄉薦同榜之士凡三十三人每

燕集聚晤必以遠大相期祝三十三人者亦
磊瑰竒特自負不少蓋會合之情勝故愛助
之誼周勤苦之志酬故直前之氣壯勢則然
也不數年間聲迹浮沉萍梗西東有幸而獲
選遂占朝籍者有偃蹇不售卒登鬼錄者有
拘於格例隨牒冷官而實非其志者頰叩之
間令人感慨向之所期漫不可攷若予與郭
君思修黃君公悅鄭君汝華三四輩則相知
自未遇時所責望許與者固皆相信於平時

非卒然相遇姑相標榜以矜詡夸大之云故
窮通好醜未易移易思修倡曰吾儕繼自今
其母激母迂惟時卷舒惟志母渝惟道之與
俱予三人者從而和之遂相與奉以周旋罔
敢墜失庚戌癸丑予暨汝華繼登甲榜官郎
署思修亦領海陽學諭就職公悅獨挾其所
有以須再舉了無彼此形迹之拘予時因壯
之丙辰之春公悅僅亦以合州學正去州去

京師萬餘里學正職雖清而寒氊斷簡兀兀

窮年苟憚遠嗟卑誰肯樂就公悅顧若遊近
畿都顯仕然非其於出處之際訂之審慮之
周而惟時卷舒者能之乎公悅往矣於所謂
志與道者幸卒勉之常祿之供聊以自給商
貨賄事請謁凡可以污吾之所守者一切屏
去旦夕立諸生堂下授以架篋課其勤惰必
使施諸人實有諸已母飾虛文應故事以取
譏誚則志立道行向之所期真無愧負矣公
悅之祖少叅公以名進士敷歷中外綽有聲
稱百年喬木蔚乎蒼蒼公悅方務培植灌溉
以達其枝使過而息者莫不躊躇瞻戀不忍
舍去斯爲克世其家又何假予言而後興哉
然箴規者朋友之責况予與公悅兼有姻戚
之雅誼固不得而終默也思修迥隔無緣相
語汝華方以公委督儲于通公悅朝發而夕
至矣試以予言質之以爲何如

送徐元嘉掌教安仁序

師道立則善人多而

朝廷正其職之所繫大而非細也今天下士得預禮部試者徃徃白首以待甲科而耻於爲師儒至以相訾毀師儒之設其端使然哉官小則勢輕祿薄則利微勢利移人雖賢者不能免使師儒下有趨走之吏足張其威祿之所入者足以周族戚及孤嫠則固樂而爲矣抑其晨鍾暮鼓規規於訓詁文字之末平時抱負鬱不得伸功名之士固亦不肯屑就亦匪專爲勢利拘也嗚呼是二者皆非也是皆可爲世道慨也若吾徐生元嘉其免於是也

夫元嘉以宿學妙年屈第乙榜授安仁學諭去衆咸惜之而元嘉獨欣然以喜其言曰吾家徒四壁嚴侍見背今適有祿而不爲慈親謀是重吾不孝且吾非惡夫甲科而故爲是矯飾也顧所欲有大於此者卽其言以觀其心勢利功名視如苓通其與毛生之檄殆同趨向尋常尺寸之士未易窺也向予家食時元嘉嘗從予遊予視其動容溫乎玉之在璞

讀其文辭沛乎水之東注間採其志則確乎
不移直欲嚮往以希諸古予時於儔衆中獨
以孤鳳擬之今則果符予言元嘉往矣藍輿
迎致旦夕承歡其樂融融固將卑槐棘而輕
彝鼎區區甲科之得失烏足重輕然宗族稱
孝於士爲次元嘉止於斯而已乎因其所已
至勉其所未至礪行檢以爲身謀嚴矧矧以
爲門弟子謀卽是以悅乎親則甘旨之奉滄
隨之供非徒口體之養安仁士風薰蒸鼓舞
於感化之餘出而用世皆知所重非吾元嘉
伊誰啓之是則所謂善人多而

朝廷正庶幾皆可以無愧負不於師儒有光乎
其或隨行逐隊漫無警省徒竊祿養之名苟
焉以玩愒歲月則猶夫人也於師儒乎奚取
吾固知元嘉必不爲此矣

今制允師儒官六載教有成績者許復赴禮部
得與天下士角以元嘉之克乎內而修乎外
者起而應之必得甲科躋華要以展盡其底

蘊今日所就詎可爲元嘉量哉孔子曰以孝事君則忠予敢以是爲元嘉異日祝

送林宗盛分教宿松序

興兩庠文士歲應貢來京師授校職去者鄉縉紳例有言爲之贈弘治己未夏五月郡庠貢士林君宗盛寔領安慶府宿松司教行有日地官主政陳君子居等以予與宗盛友善肆以贈言見屬予稔知宗盛矣林望于莆爰自九牧懷人俊士相繼代作入

國朝來若其族伯綱齋先生之磊瑰竒特從祖澹軒先生之溫良博雅皆以文章魁天下隱然一時山斗文印相承科第踵接一門群從以經學負時名者無慮十數而尊甫長源先生隱居授徒工於書畫間作五七言詩不事摹倣亦自成一家宗盛承奕葉文獻之傳沉靜寡慾有志嚮往甫髫鬣卽蘄然見頭角爲鄉先輩推重比長聞見博而學益充文益肆在行輩中莫與相軋予淺且陋過辱不鄙往

還論議嚴澤漸潤者十餘年得盡見宗盛所
爲文說理精考據審辭旣爾雅意亦獨到無
沿襲鈎棘之弊每私試題目盤錯輪困衆愕
眙相視噤莫措一語而宗盛命筆洒然無窘
束態數百人中屢占首選予意其源流遠而
造詣深以舉進士宜若俯拾芒芥然顧亦偃
蹇不售僅以例授今職而晚進崛起者或反
先焉詎非命耶惜其文者咸謂之曰子年未
中身而文士之網羅尚在遲之歲月以圖後
舉亦桑榆之收也奚鬱鬱就此爲解之者曰
禮有祿仕子二親垂白在堂得升斗之祿爲
旦夕養古人所謂不以三公易也就之宜予
竊謂不然

朝廷以文取士校職職文教也文之邪正士習
關焉校職之設夫豈徒哉今天下之文弊也
極矣高者鍛鍊雕琢恣其詭險必聲牙詰屈
不可句讀然後已下者剽竊掇拾務爲辯博
至蔓延草積使讀者厭倦思睡猶不自覺誠

得如宗盛者百餘輩布滿學宮以爲斯文領袖刻其弊以返于醇豈非士習之幸而乃下擬於袍關擊柝諉爲祿仕之地非過歟古之人嗇其施昌其文者多矣宗盛之應固云弗稱其文不旣昌乎况其所施未爲全嗇獨不可以自慰乎世固有施蠟其文以徼倖一時乃亟棄於旣仕之後如棄筌蹄者君子視之猶蟻蠓也雖擢巍科都美宦奚取焉故九膺校職者雖慄焉恐負可也遑恤乎他宿松亦文邑也予故於宗盛之行爲語時文之弊使之宿松知所取裁云宗盛之族于世隆在實從予希濼希範四進士皆以文歌鹿鳴而起者使聽予言必有合也試歸以質之

送鄭矩軒之任興山序

國朝以明經取士士由是途進者非明經不取然有遇不遇存焉同治一經也講解之精切其說同敷衍之明暢其文同或一試輒捷或累試而比不知命者徃徃歸咎於有司至謂

通塞由人開終南之捷徑植桃李於私門或
之其也吾友矩軒鄭先生元德學邃而行潔
家庭之所授受師弟之所傳習莆以治尚書
名于時如矩軒者百不一二數偃蹇四十餘
年僅以歲貢起又三年乃得一校官迢遞萬
餘里入興山謂明經者必在所取何矩軒之
不遇耶予未暇極論理數遠稽古人試卽矩
軒同氣之親及門之士徵之其兄元燦郡庠
生元濛儒士與矩軒同時竝稱私試聯居首
選學者翕然從之而元燦竟齋志以歿元濛
落落一衣且老求如矩軒之可就皆不可

得謂非命耶所傳受于其家如正郎于成縣

士望于其鄉人子弟如主政黃君俊劉紹

功郡守朱與弼郡倅黃汝爲試政洪鳴雍皆

成進士予姪童熙予子童杰洎五六人皆膺

鄉薦而矩軒反俚乎其後相去迥隔謂非命

耶知命者不憂吾觀矩軒胷次磊落不肯少

屈其平日正大之氣嚴肅之行要非富貴貧

